

Na osnovu člana 12. Zakona o javnim preduzećima FBiH („Sl. Novine FBiH“ broj: 08/05;81/08;22/09;109/12), člana 6 i 7. Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Konjic broj: 03-05-12-988/18 od 22.03.2018.godine, člana 16 i 18. Statuta JKP „Standard“ d.o.o. Konjic i Odluke Nadzornog odbora o raspisivanju javnog konkursa za izbor i imenovanje direktora JKP „Standard“ d.o.o. Konjic broj:01-28-3/19 od 29.08.2019.godine, Nadzorni odbor JKP „Standard“ d.o.o. Konjic raspisuje

JAVNI KONKURS ZA IZBOR I IMENOVANJE DIREKTORA JKP „STANDARD“ D.O.O. KONJIC

Objavljuje se javni konkurs za izbor i imenovanje direktora JKP „Standard“ d.o.o. Konjic na mandatni period od četiri (4) godine.

Izbor i imenovanje direktora JKP „Standard“ d.o.o. Konjic izvršiće Nadzorni odbor JKP „Standard“ d.o.o. Konjic.

I Opis pozicije /poslova

- Vodi poslove društva i rukovodi procesom rada
- Priprema prijedloge odluka za skupštinu i izvršava njene odluke
- Donosi opće i pojedinačne akte koje ne donosi Skupština
- Donosi opće i pojedinačne akte kojim rješava o pravima i obavezama zaposlenika
- Prima zaposlenike u radni odnos i vrši raspored na poslove i određuje im platu
- Predlaže poslovnu politiku i godišnji obračun odnosno periodične obračune
- Odlučuje o upotrebi i raspodjeli sredstava zajedničke potrošnje, reklame i reprezentacije
- Predlaže raspodjelu dobiti
- Imenuje i razrješava rukovodioce podružnica
- Zastupa i predstavlja društvo
- Odgovara za zakonitost rada i finansijsko poslovanje društva
- Donosi odluke o osnivanju poslovnih jedinica, za čiju registraciju nije nadležan registracijski organ, neophodnih za neometano poslovanje društva
- Obavlja i druge poslove utvrđene osnivačkim aktom i ovim statutom

II Uslovi

Kandidati su dužni ispunjavati sljedeće uslove

a) Opći uslovi

1. Da je državljanin Bosne i Hercegovine
2. Da je stariji od 18 godina
3. Da nije otpušten iz državne službe kao rezultat disciplinske mjere na bilo kom nivou BiH, u periodu od tri godine od objavljivanja javnog konkursa
4. Da nije pod optužnicom međunarodnog suda za ratne zločine u bivšoj Jugoslaviji (član IX 1. Ustava BiH)
5. Da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH
6. Da nema privatni/finansijski interes u javnom preduzeću u kojem se kandiduje
7. Da nije član organa zakonodavne, izvršne ili sudske vlasti ili savjetnik u smislu odredbi Zakona o sukobu interesa u tijelima vlasti FBiH

8. Da nije osuđivan za krivična djela i za privredni prijestup nespojive sa dužnošću direktora 5 godina od dana pravosnažnosti presude isključujući i vrijeme zatvorske kazne
9. Da nije lice kojoj je pravosnažnom presudom suda zabranjeno obavljanje aktivnosti iz nadležnosti direktora

b) Posebni uslovi

1. Da posjeduje VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja, društvenog ili tehničkog smjera. Izuzetno posebni uslov može biti prvog ciklusa Bolonjskog sistema studiranja (180 ECTS bodova) društvenog ili tehničkog smjera- kada je očigledno neophodno osigurati sastav reguliranih tijela predstavnika građana, zaposlenika, korisnika ili suvlasnika udjela koji nisu u državnom vlasništvu
2. Radno iskustvo najmanje 5 (pet) godina nakon sticanja visoke stručne spreme/ najmanje prvog ciklusa Bolonjskog sistema studiranja (180 ECTS bodova)
3. Radno iskustvo najmanje 5 (pet) godina na rukovodećim poslovima
4. Da nije član nijednog nadzornog, upravnog ili školskog odbora
5. Da nije vlasnik ili član uprave nekog privrednog društva, ustanove ili institucije
6. Da posjeduje Certifikat o završenom usavršavanju izdatog od strane nadležnog organa, a u skladu sa važećim odredbama Uredbe o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala
7. Da posjeduje stručno znanje iz oblasti rada i organizacije privrednih društava, kao i sposobnost tumačenja propisa iz oblasti za koju je društvo osnovano
8. Komunikacijske i organizacijske sposobnosti
9. Sposobnost tumačenja propisa iz oblasti za koju je društvo osnovano
10. Sposobnost upravljanja finansijskim i ljudskim resursima
11. Poželjno aktivno poznavanje stranih jezika
12. Da nije rukovodio društvom-preduzećem na kojem je pokrenut stečajni postupak
13. Kandidat za direktora je obavezan uz prijavu na javni konkurs podnijeti plan i program razvoja društva

Uz prijavu kandidati su dužni dostaviti originale ili ovjerene kopije sljedećih dokumenata:

- Kraću biografiju
- Adresa i kontakt telefon
- Izvod iz matične knjige rođenih
- Uvjerenje o državljanstvu (ne starije od 6 mjeseci)
- Dokaz o traženoj stručnoj spremi (ovjerena kopija diplome)
- Dokaz o radnom iskustvu
- Program razvoja društva za period od 4 godine
- Izjavu kandidata potpisanu i ovjerenu od nadležnog organa za tačke 3.4.5.6.i 7. općih uslova
- Izjavu kandidata potpisanu i ovjerenu od nadležnog organa za tačke 4.5. i 12. posebnih uslova
- Uvjerenje nadležnog organa za tačke 8. i 9. općih uslova tražit će se od kandidata koji bude predložen za konačno imenovanje
- Certifikat o završenom usavršavanju izdatog od strane nadležnog organa, a u skladu sa važećim odredbama Uredbe o usavršavanju predsjednika i članova nadzornih odbora i uprava privrednih društava sa većinskim učešćem državnog kapitala

Nepotpune i neblagovremene prijave neće biti uzete u razmatranje.
Društvo nije obavezno vraćati dokumentaciju dostavljenu uz prijavu.
Konkurs za podnošenje prijava ostaje otvoren 15 dana od dana objavljivanja.
Posljednji dan podnošenja prijava računa se prema datumu objave u glasilu koje posljednje bude objavilo oglas.
Prijavu sa svim traženim podacima treba dostaviti lično ili putem preporučene pošte na adresu:
Nadzorni odbor JKP „Standard“ d.o.o. Konjic
Musala do broja 3
Konjic 88400

Na koverti obavezno naznačiti .“Prijava na konkurs za izbor i imenovanje direktora JKP „Standard“ d.o.o. Konjic- ne otvarati“

Predsjednik Nadzornog odbora
Himzo Muhibić

Broj: 01-28-3-1/19
Konjic, 29.08.2019.godine